



Mayor's Office of
Immigrant Affairs



Ko ngadata bawo sobajo ko iyaalu sokkama/mabbama haa ICE/ Imagirashiyon

Emol Je Dum Buri Emugo

Foti paamaa sehil maa walla besngu maa nastinaama kasu ta laawol dabbugo dow lowre dabbiire Tabintingol Naatugol Leydi e fii Kostom (Immigration and Customs Enforcement, ICE) dow: locator.ice.gov

Ngam dabbugo dow lowre nden, a woodi haaje bayaanuujii sehil maa walla besngu maa bana:

- Leydi danyorde E “Tonngoode A” **WALLA**
- Leydi danyorde, innde arandeere, innde sakitiinde, e nyalnde dayngol. (Useni faamu: winndu innde no haaniri.)



TIP: Kadi “Tonngoode A” ko limaro gila diggi 8- walla diggi 9- tawetee dow dereeji eggol. Nden jokki e alkulal A. Non maa foti tawee dow taadorgol maandorde so goddo nastinaama kasu. Ba yeru: A 000-000-000

Soni a maraayi tonngoode A, yamu sehil maa walla besngu maa so a fottii e mabbe.



1-800-354-0365

**Altine yahgo Jumbaare, njamndi
9 bimmbi yahgo 6 kiikiide**

Woodi firo ngam kala wolde nde subudaa

Ngam hebgo walliinde sariyaaji eggol di ngalaa ceede e sirru, ummaatoore New York mbaawii noddugo Limngal Ballal Sariya Eggol (Immigration Legal Support hotline) Yiilorde Hooreejo Ngenndi Ngam Kuude Eggoobe (Mayor's Office of Immigrant Affairs, MOIA).



Noddu 311

Mbi'a "Immigration"

Woodi firo



Sariyaaji eggol ngoodi cadeele.

Faamu ka sariyaaji hiila'en walla jamma'en tefoobe kabbdal pewe.

Siftor: Goddo anndaado nder wuro maa mo lattaaki alkaaliijo fotaay hebbinango-ma dereeji eggol dow darnde maa. Non maa haanaayi be ndokku-maa saawori.

**Sehil am walla
besngu am
nastinaama kasu
ICE/Eggol. Noye
mi tefirta-be?**



Soni ICE/Eggol nastinii sehil maa walla besngu maa nder saare kasu to galluure New York, hukuumaaji koosay bayaanuuji maako to galluure Manhattan. Dum burataa nyalawmaare woore. Nden kadi be ngerbetee yahgo saare kasu. Saare kasu nden burataa wonugo to galluure New York walla New Jersey. Sarde wonnde, wobbe no suree to kasu hukuuma eggol nder diiwe godde. Ci'e kasu foti laatto ko tiggorde kasu mawnde walla saare ngomnati moobgal leydi.



**Kadi woodi billa
walla woodaa
billa wirlango
sehil walla
besngu am?
Noye mi yi'irata-
be nden mi
hokka-be ceede?**





Faamu: Soni a wannorake dow fii maada walaa darorde maa to hukuuma eggol nastinte cadeele so a wirlanii sehil walla tergal galle, *nden kam haani a tefa awokaajo.*

Hidde wirlaango:



Dabbu bayaanuujii laabdi dow kala saare kasu ngam a faama so woodi haaje dereeji walla biditol wadettee dow maada.



Dabbu bayaanuujii mabbe ta nastugo: www.ice.gov/detention-facilities. Foti a nodda saare kasu nden ngam a tabbitina bayaanuujii din.



Doole a innde maa nastinee nder inde wirlanoobe sehil walla besngu maa nden boo a wirlanaybe tan nder nyalde e wakkati nde saare kasu rokku-maa.

**Noye sehil
walla besngu
am hebirta
lawyaajo?**





Laamu Ameerika hokkataa lawya ngam yimbe be tiitii wurtineego leydi.



Sehil maa walla ngeendi maa waawi rokkeego lawyaajo gila Dental Kawtal Galleeji Eggoobe New York (New York Immigrant Family Unity Project, NYIFUP).



NYIFUP ko taskaram ngam hebgo lawya'en kaanube naa e yobugo ceede ngam ummaatoore New Yorka nastinaabe kasu gila hukuuma eggoobe ka ICE nden be ngoodi kiita dow ka eggol.

Waylutu hello yeesowo ngam beydugo anndal dow taskara kan.



Hukuuma NYIFUP dabbitay-be alkaali'en soni be kuubinii ko haani. Ngam hebane alkaaliijo **doole laattoo goddo on suraama nden humtii kuuje de'e:**



Dereeji eggineego njahraama to hiitordu Varick St. Immigration Court. Soni kiita kan yahraama Hiitordu New Jersey, goddo on doole laattoo o joodiido New York;



Nden goddo on maraayi alkaali mo darantoo-mo;



Nden kadi laattoo dum kiita arandeha yahraa to hiitordu eggol; nden



Kebay maako ina leestani daade 200% bano Doosde Ngomnati Moobgal Leydi tinndini.

Kuwgal alkaaliijo on fudday tippungel baawo kiita arandeha dogginaama.



Wobbe yimbe KE'BATAA alkaaliijo nder taskara ka'a.

Faamu kadi taskara ka'a ina hokka alkaali'en tan ngam yimbe marbe kiita dow eggol yeeso kiitoowo hodugol. Foti yimbe be kiita mabbe yahdake hiitaama dow be ndiiwee kambe be kebataa bakkilaado walla boo be ngalaa kiita dagguka.



1-800-354-0365

**Altine yahgo Jumbaare, njamndi
9 bimmbi yahgo 6 kiikiide**

Woodi firo ngam kala wolde nde subudaa

Soni sehil maa walla besngu maa hebaayi bakkilaado ley taskara NYIFUP, foti a nodda **tonngoode hukuuma Egoon ka MOIA Immigration** ngam hebgo bayaanu laabduum e mballa.

**So ni sehil maa walla
besngu maa meediino
fottugo e golloobe
fedde ngomna nden
be ngurtinaa, walla
boo be egginaa gila
New York walla
New Jersey, dabbutu
alkaaliijoo nder jaawal.**

**Soni go'o nder dii tawiima, foti
laattoo sehil maa walla besngu maa
wurtinee nder jaawal, ngam non o
woodi haaje walliinde nder jaawal
dow eggol. Haani moobugo kala
dereji ko raarani eggol maako di
o naftorii booyma**



**Noye min
anndirta
nyalawma
arannde
ngam kiita?**






1-800-898-7180


A hebay bayaanu dow ndeye e toye kiita kan doggintee ta noddugo Tonngoode Hebgo bayaanuuji Hukuuma Eggol.

Doo ko njobbudi humpito otomatik. Walaa goddo mo noototoo yownaandu. Njobbudi ndii ina yeeda humpito nder demde Inngiliisi e Sipaaniire tan.


**Biddu 1 ngam demngal Inngiliisi
Biddu 2 ngam demngal Sipaaniire**



**Nastu walla haalu 'Limoore Gootel'.
Siistem otomaatik maa waftu A#;**



Biddu 1 ngam jabugo



Njobbudi otomatik nodday inde sehil walla besngu maa



Biddu 1 ngam yahgo yeeso e nanngo nyalnde kiita



Faamu: So inde mabbe ngurtake nder njubbudi nden be ngalaa nyalnde kiita



Biddu 3 ngam yeewgo kowadanoo booyma.

So wi'aama "tefii itteego" nden kam sehil walla besngu maa hebataa nastugo nder kiita kesa.



Non a waawii dabbugo bayaanuuji hiitordu dow lowre laylayto naftiraago e dabbirde lowre nden winnda nder yebre alkulal A, ko hebetee nder demde Inngiliisi e Sipaaniire.

<https://acis.eoir.justice.gov/en/>

**Yahgo
ndeye be
suretee?**



Doo ko yamol caadngol jaabaago nden tokki e kala kiita. Sehil maa walla besngu maa suretee maa nyalnde kiita maako timminaa walla nde kiitoowo yolbinanibe.



Naa kala moye fuu hebata yolbinaneego. Nyalnde kiita yolbinaneego, Awokaajo Hodugol tayal kiita yalla o yooftte gila kasu hukuuma eggol (walla goddo mo o yerdii) yoba ngam yolbinanee.



Kadi yolbinaneego gila hukuuma eggol ko yobugo faago ngomnati Ameerika ngam goddo suraado yooftte nden o hoosa kabbidal hebbingo kala o tefiraa fuu no o hebira yooftteego, ko hawti e kabbidal maako e alkaaliijo ngam timmingo kala sariya ko raarani ka eggol.

Foti tokka laabi goddi ngam hebgo yolbinaneego, koo to ngomnati tuhmi sehil maa walla besngu maa heewtaayi yolbinaneego nder kiita kan. Doo tefii raartaago no haani dow sariya maako gila lawyaajo maskiido.

Wallinde Ngam Yolbinaneego

Soni o hebii yolbinaneego, nden a waawataa yobango-mo, foti a heba kabidal hiddeekowal (sedda walla fuu) gila hukuumaaji ballitooji eggoobe nden sehil maa walla besngu maa hebay yobana jolbinol. Goddi laabi kawtii:

The Envision Freedom Fund



Yaaldir lowre laylayto mabbe ngam yi'ugo koo be njabbete dow:

<https://envisionfreedom.org/get-support/#reach-out>

The Black Immigrants Bail Fund



Winndanbe iimel dow blackimmigrantbailfund@gmail.com



Hebbin dereewol bayaanuuji dow hello laylayto mabbe:

<https://www.blackimmigrantsbailfund.com/>

The LGBTQ Freedom Fund



Winndanbe iimel dow info@lgbtqfund.org,



Yaaldir hello laylayto <https://www.lgbtqfund.org/>



Noddu 786-233-8969

**Ko haani mi
wada fahin?**





Arannde, soni an walla goddo feere no nder seyda'en sarde nanngugo suraado, be **mbinnda kala ko fe"ii sarde sehil maa walla besngu maa nanngaa nde yahra kasu.**



Be mbinnda be laabbina no haani ngam be siftora nden be **mooba kala seyda mbannuka walla nate seyda.**

Bayaanuuji:

www.nyc.gov/knowyourrights

Ngam hebde kabaruuji burdi hesdude,



- Toddo kamera telefon maa e kode QR les doo, njoodto-daaheen leyyande seeda.
- Tappu humpito feenyngo ngam hebde kabaruuji dii

